

– Ey, evlyadwn, ka meres. Ma rov, toro rom si raklo, no tryabva te avel tuke vogi, dori te ne daras. Ka sledines les kana perel te sovel. Ov akana ka avel chhindo, ka del pes te sovel. Ov ka bistardyovel, ka phutres o udar i ka dzhas pash les. Ka chumudiyes les trin drom ko chakat i ka dikhes so ka achhyol.

Phutardyas pe yakha i rakli. Vardisayli, nay les. Achhyol ekh vremi, ake alo. Avimasa chhiyas pes ko krivatos, liyas te sovel. I li i rakli phuterdyas leskoro udar, geli pash leste. Chumudindyas les evkar, duvar, trivar, chumudindyas les ko chakat. Phutardyas pe yakha, li i rakli hasayli.

– Ey, kon diyas tut keya godi, te khula te hal!

I hop, o phuv lyas te khelel, treskavitsa, yakh katar phuv lyas te iklyol. I anglal late i rakli iklisto, achhilo ekh raklo. Khay o krushkatar po-but svetinela. Thay phendyas lake, shtom tobel pi kozha, nay te des les angali. Ka les leski kozha, ka thoos la ki yag. Oy phabardas, sichko prigotvisayloas. Ey, ma kozha, khay iklidili akeya kozha. Oy lyas tapalw akeya kozha i aver, i chhorla ande yag. Ov dikhay del la zapti o kozhaliyas te thabol. Zalagitsa te thabol dostratwchno. Togava lel les ande angali, chumidel les pale trin drom ko chikat.

– Tu siyan moro, me siyom teri.

Da, ama kay dikhlyas la o raklo – dyunya beeli, shuk.

– Verno, mozhe sichko te kerdyan, phabardyan mi kozha, no siyan but shukaroli i nanay te mudarav tut.

Togava veche o raklo achhilo manusheste, lyas la vastestar, lyas te phiravel la, lyas te razpravinel lakhe:

– Shun man. Me nanay siomas hala. Me siomas o thagareskoro raklo. Mange si kordo magiya me te achhyovav hala nafela, ama bin berekyat versin, tu nali man ispasisardan, tu nali hhasardan i magiya.

Tal o selendekos tswrdel i chekme, dzhava ka lel ekh gledalos.

– Romniye, kana o gledalos dikhes li? Kana del to vogi te has chere-sha, yagodes, so mangesa. Narechine ko gledalos i on avena anglal tute.

– I opetine te dikhav.

– Bisminlyahi, mi romni mangel ekh koshnitsa yagodes.

Op, ekh koshnitsa yagodes anglal late. Lyas peske ekh, duy, trin yagodes.

– I akana so mangel mo vogi, o gledalos ka anel mange.

Lyas o rakloro, pakyardas o gledalos, garavdyas les.

Khay yavin ushtilo.

– Romniye, mo vogi dori tangilo. Me ka iklyav na lov i ka anav khay de ekh zhivotinya.